

沈 增 西 主 編
沈 增 西 主 編

庚子教會華人流血史

天瓏出版社有限公司發行

近代中國史料叢刊三編第十八輯
沈雲龍主編

庚子教會華人流血史

也愚輯

文海出版社

有限公司

印行

庚子教會華人流血史

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



庚子教會華人流血史

總目

弁言

序文

拳匪紀實

第一册

山東之難

第二册

順直之難

第三册

上卷
下卷

山西之難

第四册

他省之難

第五册



影小馥迷柴陽信者輯編

庚子教會華人流血史

弁言

庚子拳禍。吾華教會之大紀念也。夫自基督新教入華。迄其時正將百年。先後受洗皈依而爲信徒者。亦已數萬人。苟核其所遭之時代。所處之境況。則此數雖小。不可謂不衆矣。顧世之胸具成見者。每好吹毛求疵。以爲彼已信主者。皆出於下流社會。彼之所以欲附教士者。何嘗有高尙之見解。無非爲哺啜計耳。此不惟我華人士言之。卽在泰西教會中人。亦每藉此爲口實。以反對佈道之計畫。我國信徒深恥其言。而無以雪也。乃上主於冥冥中。若預爲之謀者。忽於庚子之年。突起拳匪仇教之大禍。憑社會之愚。藉官司之勢。遂釀流血之大慘劇。而吾教會宗徒。或男。或女。或老。或少。篤信善道。至死靡他者。其數千百。無不一一。如暗夜之光。燦爛而出矣。當此多數信徒。引領就戮。舍生赴義之日。其忠信誠毅之氣象。洵足令人感泣。卽境過事遷。而生存者。傳述遺徵。亦無不談之。而動容貌也。風聲所及。世界震悚。始知向日所譏評。

庚子教會華人流血史

弁言

一

爲。僞。徒。者。今。乃。知。其。大。謬。不。然。而。耶。穌。之。風。蕪。陶。所。及。者。果。能。立。懦。而。廉。頑。起。廢。而。振。屬。今。之。人。何。不。若。古。之。人。而。東。方。之。人。又。何。不。若。西。方。之。人。歟。於。是。吾。國。信。徒。之。恥。遂。得。大。雪。而。教。會。之。景。象。爲。之。驟。有。轉。機。其。所。呈。效。果。至。十。年。之。後。而。猶。可。食。故。曰。庚。子。拳。禍。者。吾。華。教。會。之。一。大。紀。念。也。夫。殉。道。者。既。已。衣。白。袍。頂。華。冠。榮。膺。上。賞。於。天。庭。原。無。待。後。人。之。贊。揚。也。而。其。授。命。之。奇。跡。則。不。可。不。保。而。存。之。留。以。激。後。人。之。觀。摩。此。古。來。教。會。史。中。所。以。多。述。殉。道。者。之。事。跡。也。乃。我。國。教。會。經。此。大。變。既。已。十。載。獨。未。聞。有。志。之。士。彙。而。記。之。泐。爲。成。書。以。貽。來。者。此。余。所。深。憾。也。日。者。友。人。柴。君。蓮。馥。書。來。言。已。輯。庚。子。教。會。華。人。流。血。史。五。冊。不。日。付。梓。且。索。余。一。言。以。爲。序。聞。之。不。禁。拊。案。大。喜。以。爲。數。載。所。懷。之。隱。願。得。君。一。朝。償。之。君。之。書。出。其。有。功。於。教。會。者。多。矣。余。雖。閤。陋。敢。不。附。數。言。以。誌。快。因。書。殉。道。者。之。關。係。如。此。若。其。書。之。內。容。自。序。已。詳。茲。故。不。贅。焉。

教主降世一千九百又十年歲次庚戌仲夏之月謝洪賚謹識於廬山之近天然齋

序文

我國演習拳棒之術。濫觴於雍正時代。

見雍正五年冬月諭旨錄後

繼起於嘉慶年間。幸其時政府嚴

加防範。當即撲滅。

見嘉慶十三年及二十一年十二月廿九日上諭錄後

不期光緒二十五年冬。山東肥城縣。忽出拳匪殺

害英教士卜克斯君一案。上命魯撫袁世凱。擒獲匪首孟洗汶、吳方城。斬決寢事。然

究其禍始。實緣毓賢撫山東時。省內有多人學習拳棒。借保衛鄉閭爲名。寢假而與

教會爲仇。迨庚子歲。毓賢調撫山西。而拳匪足跡。始蔓延於直晉之間。卒至釀成慘

殺教會。聯軍入京。兩宮西走。成爲二十世紀初年中國之大怪現象。雖逾年和議

成。兩宮還京。政府再建。而喪師賠款。元氣大傷。因亦起全球強國輕視之漸。若非

我國教會中人。守死善道。爲天下爭一線光明。大事當更不堪聞矣。猶憶是年予避

難親戚家中。亂事警傳。一夕數驚。竊歎暗無天日。亂定後。予亦因此而加信道之感。

旋奔走北數省。來往各教會。獲讀英教士季君理斐。所譯庚子教會受難記一書。見

其中歷述中西教會人士死難之慘。抱道之堅。痛不釋懷者久之。既而讀序文中曰。

此書西人受難之事。比他事較詳。至華教友受難之事。因未得實在情形。無憑細載等語。因欲續貂者又久之。丁未歲。即光緒三十三年十月經吾友高君翰卿薦至上海中國聖教會襄理報務。乘間以徵求庚子華教友殉難事實。商於西董范約翰華董徐維繪兩先生。欣蒙贊成許可。未幾即得山東韓君竹坡。北京文君榮泰。楊君國相。山西張君子中。李君茂堂。高君榮堂。忻州奇村人爲英牧蘇道味之及門弟子趙君善言。吉林趙君子岡。諸同志。函任採訪之助。年餘積稿盈篋。又延吾友魏君秀實昆仲。詳加校訂。定名曰庚子教會華人流血史。共分五冊。一曰(國朝拳匪紀實)。紀拳匪之伎倆也。二曰(山東之難)。紀拳匪之起點也。三曰(京直之難)。紀拳匪之繼點也。四曰(山西之難)。紀拳匪之極點也。五曰(他省之難)。紀拳匪之終點也。惟各省之稿尙未搜齊因此次趕印不及以待續編仍望彼難地方教牧等相助其西牧殉難事實。已經訪出者。先爲付梓。其未訪出者。仍望我教會人士。熱心採輯。以表彰死節諸君之潛德。並以作教會他日之信史焉。此予之所厚望也。是爲序。

宣統二年歲次庚戌初夏河南信陽優附貢生柴栗塗蓮馥甫識於海上之高齋




E3776 像肖生先繪維徐會書教聖國中海上

庚子教會華人流血史

序文

四

上海中國聖教書會創始人美國范約翰先生住宅



即編輯庚子教會華人流血史處 F3806

庚子教會華人流血史

總目

弁言

序文

拳匪紀實 第一册

山東之難 第二册

順直之難 第三册 上卷
下卷

山西之難 第四册

他省之難 第五册

實紀匪孝朝國 第一冊

國朝拳匪紀實目錄

拳匪之源流

拳匪之命名

山東之拳匪

順直之拳匪

山西之拳匪

他省之拳匪

拳亂之結果

庚子教會華人流血史 第一册

也愚輯

國朝拳匪紀實

一 拳匪之源流

雍正五年十一月。世宗憲皇帝諭內閣曰。向來常有演習拳棒之人。自號教師。召誘徒眾。鼓惑愚民。此等多係游手好閒。不務本業之流。而強悍少年。從之學習。廢弛營生之道。羣居終日。尙氣角勝。以致賭博、酗酒、打降之類。往往由此而起。甚且有以行教爲名。勾引盜竊。擾累地方者。若言民間學習拳棒。可以防身禦侮。不知人果謹遵國法。爲善良。尙廉恥。則盜賊之風盡息。而鬪訟之累漸消。又何需拳棒以防身乎。若使實有膂力。勇健過人。何不學習弓馬。或就武科考試。或投營伍食糧。爲國家効力。以圖榮身上進。豈可私行教習。誘惑小民耶。着各省督撫。轉飭地方官。將拳棒一事。嚴行禁止。如有仍前自號教師。及投師學習者。卽行拏究。欽此。按義和團之原可稽考者實始於此

乾隆三十六年。有河南商邱縣人。卸生文。因傳習拳棒。凡入其教者。皆稱爲南方離

宮頭殿真人却老爺門下。未幾犯案正法。

嘉慶十三年。江南之穎毫徐三屬。河南之歸屬。山東之曹沂二屬等處。復有不法棍徒。煽其餘波。橫行鄉曲。經給事中周廷森據情人告。旋奉

上諭給事中周廷森。請嚴懲聚衆一摺。據稱近日江南之穎州府。亳州。徐州府。河南之歸德府。山東之曹州府。沂州府。兗州府一帶地方。多有無賴棍徒。搜刀聚衆。設立順刀會。虎尾鞭。義和拳。八卦教。名目橫行鄉曲。欺壓良善。其滋事之由。先由賭博而起。遇會場市集。公然搭設長棚。押寶聚賭。勾通胥吏。爲之耳目。請飭下三省督撫。認真緝捕。清查保甲。密訪爲首棍徒姓名。聚賭械鬪之案。拿獲盡法懲治。並責成地方官。嚴定黜陟等語。江南。安徽。河南。山東。毗連各州縣。既有此等匪徒。自應嚴行懲辦。以靖閭閻。不可養癰貽患。至清查保甲。雖屬緝匪良法。但地方官寄耳目於里胥保正。設里保之中。皆其黨類。仍不肯據實舉報。總在府縣各官。平日留心體訪。隨案查拿。將首犯嚴辦。使脅從者知懼。不敢隨同爲匪。自不致釀成巨案。株累多人。若吏胥

等。以在官人役。敢於通同包庇。尤應密拿重辦。剔除積蠹。着交江南、安徽、河南、山東、各督撫認真查辦。所有穎、亳、等處各府州縣。遴選廉明幹練之員。取其才堪治劇。而又能寬猛得宜。通曉事體者。責令隨時整頓。如此內有舊係簡僻缺分。而地方今昔情形不同。初任之員。難資治理者。不妨奏明更調。果能化俗宜民。著有成效。加以獎勵。闕茸不職者。立予糾參。欽此。

嘉慶二十年。又有卽生文之孫卽坦。並青縣之李八、葉福明等。傳習義和門教一案。及固城縣人葛立業。習義和拳棒。預知逆情一案。暨青縣人尤明等。傳習義和拳、離卦教一案。先後爲地方官拘獲。明正典刑外。復經欽差大臣那彥成。拿獲直隸灤州王姓一案。據情入奏。當於十月二十九日奉

上諭。王秉衡卽王景曾。其族分住直隸灤州。及盧龍縣等處。以大乘教、清茶門、分往外省。傳徒歛錢。茲王秉衡自直隸至楚省。復來江南。柳有賢轉傳與金棕。有傳至逆犯方榮升。釀成巨案。該犯實爲首禍。現已拿獲。解赴湖北。訊明嚴辦。昨據那彥成奏。

於盧龍縣緝獲王殿魁等犯。並查提王姓充徒等犯。分別審辦。石佛口王姓一族。世傳邪教。歷年久遠。蔓延數省。現已屢次犯案。着那彥成卽派委幹員。前往灤州及盧龍等處。將王姓族中傳教之人。全數搜捕。勿令兔脫一名。解至省城。嚴行審訊。訊明後。將爲首傳徒者。問擬絞決。其爲從者。分別發遣流徒。並向各該犯家中。嚴密搜查。將所藏九蓮如意皇極寶卷真經。元亨利貞鑰匙經。及一切邪悖經卷。全行起出。封送軍機處。呈覽。務令盡絕根株。勿稍留遺孽。除惡務盡。切勿姑息。欽此。

二 拳匪之命名

光緒初年直隸冀州有滋事之土匪名黑虎者。勢甚猖獗。官兵屢勦不獲。維時李秉衡適爲該州知州。乃設法招撫。匪首徐某等編成義和團隊。惟黑虎抗不就撫。是爲義和團命名之始。

三 山東之拳匪

光緒二十五年。毓賢任山東巡撫時。省內漸有多人演習拳棒。欲與教會爲仇。毓賢

並不剿辦。且縱成之。旋毓賢調撫山西。而拳匪足跡。因之蔓延魯直秦晉一帶矣。

按拳匪係離卦教。色尚紅。故紅巾紅帶。間有黃帶藍帶者。女童習紅燈照。婦人習藍燈照。其頭目稱曰老師。小頭目曰大師兄。二師兄。每傳拳法一處。必招集二十五人。是爲一團。團立一首。全團聚散。皆從其命。故城縣拿獲一大貫和尚。供稱山東人。並據言該教咒語曰。日出東方一滴油。驚動弟兄天下行。弟兄驚動李君王。李君王驚動楊二郎。楊二郎驚動封炮王。封炮王驚動老君來顯靈。等語。絕不解其義趣何在。念咒時。焚香燒紙。以凉水潤身。聚無知童子數人。向東南立。咒畢。童子倒地。稍遲。促令起舞。或授以棍棒。如臨大敵。實則如夢如痴。甚怪。王公士人多有習之者。噫。

是年十一月二十六日。山東肥城縣忽有拳匪殺害英教士卜克斯一案。是爲拳匪肇亂之起點。旋奉 上命魯撫袁世凱獲匪首孟洗汶。吳方城。吳經明。龐燕木。李潼關。多名。分別斬決。給卹。建造教堂費九千兩寢事。

光緒二十六年三月。山東拳匪。忽有搶掠高密城外鐵路公司之事。自此山東各處。徧貼招帖曰。神助拳。義和團。只因洋人鬧中原。勸奉教。乃霸天。不敬神佛。忘祖先。不下雨。地發乾。全是教堂止住天神爺怒。仙爺煩。伊等下山把道傳。非是謠。非白蓮。口頭咒語學真言。升黃表。焚香烟。請來各等眾神。仙神出洞。仙下山。扶助人間把拳頭。兵法易。助學拳。要殺洋人不爲難。挑鐵道。把綫砍。旋再毀壞大輪船。大法國。心胆寒。英吉俄羅勢蕭然。一概洋人都殺盡。大清一統慶昇平。由是一唱百和。到處焚表讀咒。幸魯撫搜辦最嚴。未能大肆其焰。因之以直管爲托足之地矣。

四 順直之拳匪

光緒二十六年三月初旬。山東拳匪蔓延至直隸境內。始則天津城內外。幼童演習義和團。女子演練紅燈照。河口附近一帶。匪黨尤多。爲首者皆由山東來。因改名其莊爲義和莊。每當夜靜。四處皆焚香念咒。由是而保定之東呂村。張南登鎮。白河溝。及清苑縣南鄉之張天莊。謝莊。蔣莊。張登。等村。以及文安。霸州。安州。固安。雄縣一帶。

謠言四起。大有不滅教會不能朝食之事。至是月二十二日。拳匪潛至京城。徧黏招帖於教堂。聲言三月杪起事。剿滅教會。萬不於此時政府極力拿辦不至有庚子之大難也法教士咨照步軍統領衙門。以無稽之言而罷。

四月初旬。京城東安門內沿河各巷。有人自號義和團教師。小兒從之。練習者甚衆。初八日。距京西南二百里之來順村。天主教民房屋被拳匪焚毀。殺戮教友七十三人。二十二日。涞水縣天主教民。又被拳匪殺戮數十人。各國使臣。會議調兵入都。保護使館。而教會中人。避禍於京師者。亦踵相接。二十五日。京城順治門外南下窪地方。時有團匪教童子演拳。或向詰問。則自稱爲扶清滅洋之大會。並曰某某爲大頭目云。嗣是日盛一日。漸至肆行無忌矣。

五月初一日。拳匪進襲長辛店蘆溝橋二車站。火之。截斷電綫。津城戒嚴。初二日。拳匪犯闕。焚豐台車站。並燒燬京津鐵路。初三日。燬蘆保鐵路。初十日。拳匪大隊由京至津。一路拆毀鐵路橋梁。十一日。京中各官員眷屬多逃。十四日。安徽姚提督自甘



聯 軍 統 帥 瓦 特 西 (3126) 肅入都。 在市遊 行見遍 地皆拳 匪。聲言 帥殺鬼子 姚此日 昇平世 界汝等 勿妄言。 汝等欲 殺鬼子。

恐鬼子將殺汝等也。匪大譁曰：二毛子來矣。匪呼洋人為毛子，稱入教者或與洋人來往者為二毛子。姚曰：非匪不聽。

曳之下馬。匪乃為焚香表。凡不自承為二毛子者，即燒香一炷焚紙一頁，如香不燃，紙於不盡必殺無赦。焚畢將殺姚。有京營官李

某馳馬至，力為剖辯，不聽，終殺之。營官撫尸痛哭，并為匪殺。噫，軍匪可謂無人理之極。十五日，日本

使館書記生杉山彬出永定門，被拳匪殺於道。十六日，武清縣屬各處教堂及教民

家均被毀，又焚毀通州各教堂，并殺戮華教民甚多。距天津六十餘里某地方亦殺

教民五十餘人。十七日，拳匪於京城右安門內火教民居，無論老幼男婦皆殺之，數

十百人一羣，一僧為之長。十八日，拳匪火順治門教堂，又連燒他教堂甚多。城門晝

閉，京師大亂。雖有旨拳匪作亂，當剿而勢已燎原，不可響邇矣。二十日，拳匪焚正

陽門四千餘家，各使館一律戒嚴。火光不滅者三日。是日吏部侍郎許景澄、太常寺

卿袁昶面奏力保使館，慷慨欷歔，聲震屋瓦。二十一日，戶部尚書立山面奏有拳民

不可恃之語。二十二日，內閣學士聯元以力保使臣之奏，岌岌被殺。二十三日，德國

公使克林德被拳匪殺於單牌樓。自是以後，京師糜亂不堪問矣。



(傳) 像 建 辰 皇 顯 欽 寧



(圖) 德 宗 景 帝 遺 像

六月十三日聯軍破天津

七月初一日各西兵議向北京進發初四日殺吏部侍郎許景澄太常寺卿袁昶十
七日殺兵部尚書徐用儀戶部尚書立山內閣學士聯元旬日之內連殺力言不可
仇視西人之五大臣天下冤之二十一日聯軍破京孝欽顯皇后青衣徒泣而出
德宗景皇帝隨之暮至貫市飢餓之苦不堪言狀二十三日。至懷來縣縣令吳永
以衣裘進旋卽西幸

五 山西之拳匪

光緒二十六年五月間拳匪由魯直一帶竄入山西始則人數尙少但見各處有匿
名揭帖大略謂我等扶清滅洋爲國宣力今欲招童男童女教練神拳精之能槍炮
不入藉以殲滅西人共伸大義等語嗣後被惑者日多城中遍搭高棚逐日糾集各
童練習並言須練七七四十九日卽可成功迨六月初竟集數百人之多每日招搖
過市頭紮紅黃二色包巾腰繫紅帶手執單刀路遇穿洋布者立時扯碎偶一不服

卽以單刀相向。日則沿途滋擾。夜則羣宿廟宇。種種奇形怪狀。難以筆述。所最可驚歎之事。卽六月十三日。晉撫毓賢。陡自持刀殺害耶穌天主兩教西人。並華教友等一大慘案。由是各府州縣拳匪羣相呼應。益肆行無忌矣。故推原禍始。實毓賢一人司其咎云。

六 他省之拳匪

東三省一帶。鄰近直魯。且禍亦不稍減。至河南之周口及南汝光臨一帶。雖有攻打教堂之事。然中西教會人士受慘辱者有之。死於難者尙不多見也。因皆係烏合之衆。甚非真正拳匪。至信陽州教堂。幸州牧饒拜颺保護甚力。派委將西牧護送至漢。隨將教堂門首。改貼保甲局字樣。始免於禍。至浙江衢州府及常山縣兩處。雖在七月下旬。有殺害內地會教士人等之慘。而其釁由土匪。亦官紳失於保護之力也。

七 拳亂之結果

自聯軍入京後。兩宮西狩。匪黨解散。慶親王李鴻章奉命爲議和全權大臣。其

議就大綱十二款。已於是年冬月批准。旋又於十二月某日。欽奉懲辦首禍諸王大臣。上諭曰。京師自五月以來。拳匪倡亂。開釁友邦。現經李鴻章與各國使臣。在京議和。大綱草約業已畫押。追思肇禍之始。實由諸王大臣昏謬無知。鴛張跋扈。深信邪術。挾制朝廷。於剿辦團匪之諭。抗不遵行。反縱信拳匪妄行攻戰。以至邪焰大張。



庚子前二年庚子影王(廿四)

聚數萬匪徒於肘腋之下。勢不可遏。復主令鹵莽將卒。圍攻使館。竟至數月之久。釀成奇禍。社稷隳危。陵廟震驚。地方蹂躪。生民塗炭。朕與皇太后危險情形。不堪言狀。至今痛心疾首。悲憤交深。是諸王大臣等信邪縱匪。上危宗社。下禍黎元。自問當得何罪。前者兩降諭旨。尚覺法輕情重。不足蔽辜。應即分別等差。加以懲處。已革莊親王載勳。縱容拳匪。圍攻使館。擅出違約告示。又輕信匪言。枉殺多命。實屬愚暴冥頑。着賜令自盡。派署左都御史袁寶華。前往監視。已革端郡王載瀾。倡率諸王貝勒。輕信拳匪。妄言

主戰。致啟釁端。罪實難辭。降調韓國公載瀾。隨同載勛。妄出違約告示。咎亦應得。着革去爵職。惟念均屬懿親。特予加恩。均着發往新疆永遠監禁。先行派員看管。已革



李文忠公鴻章遺影
 巡撫毓賢
 前在山東
 巡撫任內。
 妄信拳匪
 邪術。至令
 爲之掄揚。
 以致諸王
 大臣受其
 煽惑。及在
 山西巡撫

任內復戕害教士教民多命。尤屬昏謬凶殘。罪魁禍首。前已遣發新疆。計行抵甘肅。着傳旨卽行正法。並派按察使何福堃監視行刑。前協辦大學士吏部尙書剛毅。袒庇拳匪。釀成巨禍。并會出違約告示。本應置之重典。惟現已病故。着追奪原官。卽行革職。留任甘肅提督董福祥。統兵入衛。紀律不嚴。又不諳交涉。率意函莽。雖圍攻使館。係由該革王等指使。究難辭咎。本應重懲。姑念在甘肅素著勞績。回漢悅服。格外從寬。着卽行革職。降調都察院左都御史英年。於載勛擅出違約告示。曾經阻止。情尚可原。惟未能力爭。究難辭咎。着加恩革職。定爲斬監候罪名。革職留任刑部尙書趙舒翹。均著先在陝西省監禁。大學士徐桐。降調前四川總督李秉衡。均已殉難身故。惟貽人口實。均着革職。並將卹典撤銷。經此次降旨以後。凡我友邦。當共諒拳匪肇禍。實由禍首激迫而成。決非朝廷本意。朕懲辦禍首諸人。并無輕縱。卽天下臣民。亦曉然於此案之關係重大也。欽此。

贈諡誣殺五大臣書後

己酉也愚子

宣統元年三月二十日奉 上諭。朕恭讀光緒二十六年、二十七年、迭奉諭旨。特將誣陷被罪之前戶部尚書立山、兵部尚書徐用儀、吏部左侍郎許景澄、內閣學士聯元、太常寺卿袁昶。開復原官。並錄用子嗣。仰見我 德宗景皇帝秉承我 孝欽顯皇后慈恩垂訓。一本至公。惟念該故員等心存君國。忠蹇可矜。允宜再沛恩施。嘉名特錫。立山、徐用儀、許景澄、聯元、袁昶均着加恩。予諡。用示朕推廣慈仁之至意。該衙門知道。欽此。旋於四月初六日電悉立山諡曰忠貞。徐用儀諡曰忠愍。許景澄諡曰文肅。聯元諡曰文直。袁昶諡曰忠節。噫嘻。五大臣死後之褒獎。人固多知其榮。而五大臣遭誣之事實。人多未知其詳也。試爲縷細述之。當庚子即光緒二十六年五月二十日也。拳匪欲與各國使臣爲難。會召見王公大臣入議。兵部尚書徐用儀始終以保護使臣爲主。吏部侍郎許景澄言中國與外洋交數十年。民教相仇之事無歲無之。然不過賠償而止。惟攻殺使臣中外皆無成案。今交民巷使館。幾於朝不保夕。倘



徐忠愍公遺影

閣學士聯元亟言不可某日聯元貳於夷當殺會左右救之而止不料至七月初四日冤殺許景澄袁昶二人之後又於十七日冤殺徐用儀立山聯元三人旬日間連殺五大臣天下譁然先是五月間三次召見土大臣許袁二公即力陳團匪宜勦旋

遇不測未知宗社生靈置於何地太常寺卿袁昶言許不可開殺使臣非公法慷慨歔歔聲振屋瓦二十一日又召見大學士六部九卿時先太皇太后以先帝主和問計於戶部尚書立山立山曰拳民雖無他然其術多不效某王謂立山敢廷爭必係漢奸廿二日又召見各王大臣某王請攻使館內